

詩經類考

五卷
卷之六

內閣文庫	
番號	漢 8222
冊數	10 (1)
函號	273 243

273-249





詩經類考卷之五

時令考

春

春秋繁露四時天之四選春者少陽之選夏者太陽之選秋者少陰之選冬者太陰之選四選之中各有孟仲季故一歲之中有四時一時之中有三長天之節也○皇極經世曰昊天盡物聖人盡民皆有四府春為生物之府夏為長物之府秋為收物之府冬為藏物之府易為生民之府書為長民之府詩為收民

明武塘沈萬鈞仲容采輯

淡江文庫

之府春秋為藏民之府昊天四府者時也聖人之
 四時者經也昊天以時授人聖人以經法天○函史
 四時陰陽萬物之根本也故聖人春夏養陽秋冬養
 陰以從其根與萬物消息發斂而常守乎平○春管
 子云東方曰星注東方陰陽之氣和雜時故為星星
 不定于陰陽也其時曰春其氣曰風風生木與骨其
 德喜羸而發出節時時其事號令修除神位謹禱弊
 梗宗正陽治隄防耕耘樹藝正津梁修溝瀆斃屋行
 水解怨赦罪通四方柔風甘雨乃至百姓乃壽百蟲
 乃蕃此謂星德星者掌發發為風是故春行冬政則

潤行秋政則霜行夏政則燠故春三月以甲乙之日
 發五政一政曰論幼孤含有罪二政曰賦爵列授祿

三政曰解凍修溝瀆復亡人四政曰端阻險修封疆正千伯五政曰毋殺電毒

蹇華絕芋五政苟時春風乃來日至曙甲子木行御
 天子出令七十二日而畢曙甲子木行御發政不善
 則多凶戾七十二日而畢春行冬政肅行秋政雷行
 夏政闡十二地氣發戒春事○淮南子東方曰蒼天
 其星房心尾東北曰變天其星箕斗牽牛東方木也
 其帝太皞其佐勾芒執圭而治春其神為歲星其獸
 蒼龍其音角其日甲乙東方之極自碣石山過朝鮮

貫大人之國東至日出之次搏木之地青土樹木之
野太皞勾芒之所司者萬二千里其令曰挺羣禁開
閉闔通窮室達障塞行優游棄怨惡解役罪充憂患
休罰刑開關梁宜出財和外怨撫四方行柔惠止剛
強春風至則甘雨降生育萬物乳者嫗伏毛者孕育
草木榮華鳥獸卵胎莫見其爲者而功旣成矣春行
夏令泄行秋令水行冬令肅○淮南子春爲規規者
所以園萬物也規度不失萬物乃理○春蠶也物蠶
生乃動運故爲規

正月令

孟春之月日在營室昏參中旦尾中

營室在亥厥訾
之次中謂中于

南方正月昏時中星爲參
巨則尾星在南方之中也

其日甲乙其帝太皞其神

勾芒其蟲鱗其音角律中太簇其數八其味酸其臭

羶其祀戶祭先脾東風解凍蟄蟲始振魚上冰獺祭

魚鴻雁來天子居青陽左个乘鸞輅駕倉龍載青旗

衣青衣服蒼玉食麥與羊其器䟽以達是月也以立

春先立春三日太史謁之天子曰某日立春盛德在

木天子乃齋立春之日天子親帥諸侯九卿三公大

夫以迎春于東郊還反賞公卿大夫于朝命相布德

和令行慶施惠下及兆民慶賜遂行母有不當乃命

言類考 卷五
太史守典奉法司天日月星辰之行宿離不貸母失
經紀以初爲常是月也天子乃以元日祈穀于上帝
乃擇元辰天子親載耒耜措之于參保介之御間帥
三公九卿諸侯大夫躬耕帝籍天子三推諸侯五推
卿大夫九推反執爵于太寢三公九卿諸侯大夫皆
御命曰勞酒是月也天氣下降地氣上騰天地和同
草木萌動王命布農事命田舍東郊皆修封疆審端
經術善相丘陵阪險原隰土地所宜五穀所殖以教
道民必躬親之田事既飭先定準直農乃不惑是月
也命樂正入學習舞乃修祭典命祀山林川澤犧牲

母用牝禁止伐木母覆巢母殺孩虫胎夭飛鳥母麇
母卵母聚大衆母置城郭掩骼埋胔是月也不可以
稱兵稱兵必天殃兵戎不起不可從我始母變天之
道母絕地之理母亂人之紀孟春行夏令則雨水不
時草木早落國時有恐行秋令則其民大疫焱風暴
雨總至藜莠蓬蒿並興行冬令則水潦爲敗雪霜大摯
首種不入○夏小正春正月啓蟄雉震响魚陟負水
農緯厥耒初歲祭耒始用暢囿有見韭時有俊風寒
日滌凍塗田鼠出農率均田農及雪澤初服于公田
采芸鞠則見柳梯梅杏梅桃則華緹蒿雞桴○淮南子

孟春之月招搖指寅盛德在木蟄虫始振蘇魚上負
獮祭魚候雁北天子東宮御女青色衣青采鼓琴瑟
服八風水爨其作燧火其兵矛其畜羊朝于青陽左
个以出春令布德施惠行慶省徭賦立春之日天子
迎歲于東郊脩除祠位幣鑄鬼神犧牲用牡正月官
司空其樹楊孟春與孟秋爲合故正月失政七月涼
風不至○周禮正月之吉始和冢宰乃縣始象之法
于象魏使萬民觀治象司徒縣教象施教法于邦國都
鄙宗伯縣禮象司馬司寇司空縣政象刑象事象亦
如之象而縣之式是典常昭視聽一其心重始敬正

之道也郊用上辛耕籍自天子而降班以終畝內宰
詔王后帥六宮之人生種稷之種獻之上重生德之
本也○正月之卦爲泰卦○地官州長正月之吉各
屬其州之民而讀法○三元歲之元時之元月之元
也○晉天文志正月之辰謂之寅寅者津也生物之
津達也○行人以是月采詩獻之太師漢書○集禮
立春後丑日祭風師于東北郊○京房易飛候正月
有偃月必有嘉王○爾雅正月爲陬月○秦皇避正
月以爲端月正月水名凌解水○天表影長一丈五
尺二分○太陽在子○青鳥司啓左傳註青鳥即倉庚倉庚立

春鳴立夏止○菖始生冬至五旬七日菖生○狐不
渡冰○條風至一名融風

二月令

仲春之月日在奎昏弧中旦建星中其日甲乙其帝
太皞其神勾芒其蟲鱗其音角律中夾鍾其數八其
味酸其臭羶其祀戶祭先脾始雨水桃始華倉庚鳴
鷹化爲鳩天子居青陽太廟乘鸞路駕倉龍載青旂
衣青衣服蒼玉食麥與羊其器疏以達是月也安萌
芽養幼少存諸孤擇元日命民社命有司省園圍去
桎梏毋肆掠止獄訟是月也玄鳥至至之日以大牢

祠于高媒天子親往后妃帥九嬪御乃禮天子所御
帶以弓韠授以弓矢于高媒之前是月也日夜分雷
迺發聲始電蟄蟲咸動啓戶始出先雷三日奮木鐸
以令兆民曰雷將發聲有不戒其容止者生子不備
必有凶災日夜分則同度量鈞衡石角斗甬正權概
是月也耕者少舍乃修闔廟寢廟畢備母作大事以
妨民之事是月也毋竭川澤毋漉陂池毋焚山林天
子廼鮮羔開冰先薦寢廟上丁命樂正習舞釋菜天
子廼帥三公九卿諸侯大夫親往視之仲丁又命樂
正入學習舞是月也祀不用犧牲用圭璧更皮幣仲

春行秋令則其國大水寒氣總至寇戎來征行冬令則陽氣不勝麥乃不熟民多相掠行夏令則國乃大旱煖氣早來蟲螟為害○夏小正往耒耨禱初俊羔助厥母粥祭鮪綬多女士丁亥萬用入學榮莖采蘩昆小蟲抵胝剝鱗○淮南子仲春之月招搖指卯始雨水桃始華二月官倉其樹杏仲春與仲秋為合仲春始出仲秋始內二月失政八月雷不藏○庾信華林園序堯以仲春之月刻玉遊河○表貉獻禽注有司表貉誓民鼓遂圍禁火弊獻禽以祭社○治蚕○天宮內宰仲春詔后帥內外命婦始蚕于北郊以為祭服歲終則會內人之

稍食稽其功事佐后而受獻功者比其大小與其粗良而賞罰之○擊土鼓歌幽詩注春官箴章中春擊土鼓歛幽詩以逆暑逆謂自外而入內○太師陳詩○典禮制度注命典禮考時月定日同律禮樂制度衣服正之○薦鞠衣注天子薦之于先帝蓋黃葉之服○薦韭卯注四民月令祀大社之日薦韭卯于祖禰○修火禁注司烜以木鐸修火禁于國中謂用火之處及避風燥而防之季春將出火也○會男女注媒氏中春令民會男女司男女之無夫家者會之欲及時也奔者不禁○煮菱粳注天子食饈而朝事之



詩經類考 卷五
邊煮菱爲麪○女媧鼓歌淮南子二月之夕女媧鼓歌以司天和以長百穀禽獸草木女媧春夏長養之神也○天門說文辟冒也二月萬物冒地而出象開門之形故爲天門○獻種稜種周禮仲春后帥六官夫人獻種稜之種于王○赤璋禮南方周禮太宗伯○獻鳩注仲春獻鳩于國老鄭玄曰春鷹化爲鳩變舊爲新宜以養老助生氣○祭馬祖祭于大澤用剛日○望祀祓除白虎通周禮男巫掌望祀望衍旁招以茅女巫掌歲時以祓除釁浴禊者潔也尚書厥民析言人解療生疾之時故于水釁潔之也○離媵說

文祈穀食新曰離媵又楚俗以二月祭飲食曰離媵
○三星昏期三星心宿也在卯宮第三有尊卑夫婦之象古禮成親取建卯月○卯爲春門說文○古者冠以仲春月○降入二月名○如月爾雅○桃李節
○白蘋水二月水名○高藜太乙數卯神曰高藜○表影天表影長八尺五寸
○太陽在亥○啓蟄冒鼓象雷之發聲也○老人星天文書老人春
分之日没于丁
則治平主壽昌
○明庶風○州長讀法地官○二月
卦爲大壯

三月令

季春之月日在胃昏七星中旦牽牛中其音角律中

姑洗桐始華田鼠化爲鴛虹始見萍始生是月也天子迺薦鞠衣于先帝命舟牧覆舟五覆五反乃告舟備具于天子焉天子始乘舟薦鮪于寢廟乃爲麥祈實是月也生氣方盛陽氣發泄勾者畢出萌者盡達不可以內天子布德行惠命有司發倉廩賜貧窮振乏絕開府庫出幣帛周天下勉諸侯聘名士禮賢者是月也命司空曰時雨將降下水上騰巡行國邑周視原野修利隄防道達溝瀆開通道路毋有障塞田獵置罟羅網畢翳餒獸之藥毋出九門是月也命野虞母伐桑柘鳴鳩拂其羽戴勝降于桑具曲植籩筐

禁婦女毋觀省婦使以勸蚕事蚕事既登分蠶稱絲効功以供郊廟之服毋有敢惰是月也命工師令百工審五庫之量金鐵皮革筋角齒羽箭幹脂膠丹漆毋或不良百工咸理監工日號毋悖于時毋或作爲淫巧以蕩上心是月之末擇吉日大合樂天子乃帥三公九卿諸侯大夫親往視之是月也乃合累牛騰馬遊牝于牧犧牲駒犢舉書其數命國難難九門磔攘以畢春氣季春行冬令則寒氣時發草木皆肅國有大恐行夏令則民多疾疫時雨不降山陵不收行秋令則天多沉陰淫雨早降兵革並起○夏小正參則

伏攝棄萎作死楊犂羊螻則鳴越有小旱頒冰采識

名草拂桐葩○管子菽室燠造鑽燧易火杼井易水○

淮南子季春之月招搖指辰行是月令甘雨至三旬

三月官鄉其樹李季春與季秋為合季春大出季秋

大內故三月失政則九月不下霜三月之時蝦蟇鳴

鳴燕降而達路除道○出火辰月火星始見出宣其氣○變火○

三月卦為夬○誓社習軍旅○務種穀○淮南子昏

張中則務種穀○末春○病月音病○青章三月名○表

影天表影長六尺六寸五分○太陽在戌○音比仲呂清明風至也○

豐隆將雨淮南子季春三月豐隆乃出以將其雨豐

隆雷神也○月令通考重三即重五重九之意○張

說詩暮春三月日重三魏元忠詩三月重三日○上巳

節

夏

管子南方曰日其時曰夏其氣曰陽陽生火與氣其

德施舍修樂其事號令賞賜賦爵授祿順鄉謹修神

祀量功賞賢以動陽氣九暑乃至時雨乃降五穀百

果乃登此謂日德日掌賞賞為暑歲掌和和為雨夏

行春政則風行秋政則水行冬政則落是故夏三月

以丙丁之日發五政一政曰求有功發勞力者而舉

之二政曰開九墳發故屋辟故窳音溜二音窳也以假貸三

政曰令禁扇去笠毋扱免除急漏田廬四政曰求有

德賜布施于民而賞之五政曰令禁置設禽獸毋殺

飛鳥五政苟時夏雨乃至○淮南子南方曰炎天其

星輿鬼柳七星東南方曰陽天其星張翼軫南方火

也其帝炎帝其佐朱明執衡而治夏其神為熒惑其

獸朱雀其音徵其日丙丁南方之極自北戶孫之外

國名貫顛項之南至委火炎風之野赤帝祝融之所司

者萬二千里其令曰爵有德賞有功惠賢良救饑渴

舉力農賑貧窮惠孤寡憂罷疾出大祿行大賞起毀

宗立無後封建侯立賢輔夏行春令風行秋令蕪行

冬令格日夏至而流黃澤石精出蟬始鳴半夏生蟲

蟲不食駒犢鷲鳥不搏黃口八尺之景修徑尺五寸

景修則陰氣勝陰氣勝則為水景短則陽氣勝陽氣

勝則為景

四月令

月令孟夏之月日在畢昏翼中旦婺女中其日丙丁

其帝炎帝其神祝融其蟲羽其音徵律中中呂其數

七其味苦其臭焦其祀龜祭先肺螻蛄鳴蚯蚓出王

瓜生苦菜秀天子居明堂左个乘朱路駕赤駟載赤

旂衣朱衣服赤玉食菽與雞其器高以粗是月也以
立夏先立夏三日太史謁之天子曰某日立夏盛德
在火廼齋立夏之日天子親帥三公九卿大夫以迎
夏于南郊還反行賞封諸侯慶賜遂行無不欣說乃
命樂師習合禮樂命大尉贊祭後遂賢良舉長大行
爵出祿必當其位是月也繼長增高母有壞墮母起
土功毋發大衆毋伐大樹是月也天子始絺命野虞
出行田原爲天子勞農勸民毋或失時命司徒循行
縣鄙命農勉作毋休于都是月也驅獸毋害五穀毋
大田獵農乃登麥天子乃以彘嘗麥先薦寢廟是月

也聚畜百藥糜草死麥秋至斷薄刑決小罪出輕繫
蚕事畢后妃獻繭乃收蠶稅以素爲均貴賤長幼如
一以洽郊廟之服是月也天子飲酎用禮樂孟夏行
秋令則苦雨數來五穀不滋四鄙入保行冬令則草
木早枯後乃大水敗其城郭行春令則蝗蟲爲災暴
風來格秀草不實○夏小正夏四月昴則見初昏南
門正鳴札囿有見杏鳴蜮王負秀取荼莠幽越有大
旱執陟攻駒○淮南子孟夏之月招搖指巳其位南
方天子服八風水爨柘燧火南宮御女赤色衣赤采
吹竽笙其兵戟其畜雞朝于明堂左个以出夏令命

太尉贊祭俊舉孝悌四月官田其樹桃孟夏與孟冬
爲合孟夏始緩孟冬始急故四月失政十月不凍○
四月卦乾○四月爲餘月兩○四月建馬辰爲實沈
周禮○龍見而雩左注龍角元星也已月昏見東方
○薦含桃禮四月中氣以○赤璋禮南方○麥秋○
陰月西京雜記純陽疑于○正月○除月文選○乏月
四時纂要冬穀既盡夏○日在昴○天表影長四尺
麥未登宜賑乏絕也
五寸七分日出寅卯入酉○太陽在酉

五月令

禮月令仲夏之月日在東井昏亢中旦危中其日丙

丁其帝炎帝其神祝融其蟲羽其音徵律中蕤賓其
數七其味苦其臭焦其祀竈祭先肺小暑至螳螂生
鵙始鳴反舌無聲天子居明堂太廟乘朱路駕赤駟
載赤旂衣朱衣服赤玉食菽與雞其器高以粗養壯
佼是月也命樂師修鞀鞀鼓均琴瑟管簫執干戚戈
羽調竽笙箛池簧飾鍾磬祝啟命有司爲民祈祀山
川百源大雩帝用盛樂乃命百縣雩祀百辟卿士有
益于民者以祈穀實是月也農乃登黍天子乃以雛
嘗黍羞以含桃先薦寢廟令民毋艾藍以染毋燒灰
毋暴布門閭毋閉關市毋索挺重囚益其食游牝別

羣則執騰駒班馬政是月也日長至陰陽爭死生分
君子齋戒處必掩身毋踈止聲色毋或進薄滋味毋
致和節者嗜欲定心氣百官靜事毋刑以定晏陰之
所成鹿角解蟬始鳴半夏生木槿榮是月也毋用火
南方可以居高明可以遠眺望可以升山陵可以處
臺榭仲夏行冬令則雹凍傷穀道路不通暴兵來至
行春令則五穀晚熟百騰時起其國乃饑行秋令則
草木零落果實早成民殃于疫○夏小正參則見浮
游有殷鳩則鳴時有養日乃衣瓜良蜩鳴偃之興也
五日翕望乃伏啓灌藍琴鳩爲鷹螭調鳴初昏大火

中種黍菽糜煮梅蓄蘭頒馬○淮南子仲夏之月招
搖指午其位南方天子朝于明堂太廟服八風水爨
柘燧火南宮御女赤色衣赤采吹竽笙其兵戟其畜
雞存鰥寡振死事日短至陰陽爭死生禁民無發火
五月官相其樹榆○五月其卦垢○辰爲午午者長
也大也言物皆長大也○小刑月淮南子陰生于午
故爲小刑月○五月爲臯月爾雅○祭先牧○山虞斬
木欲其堅也○止行人所以助微陰也○霉天亦曰嶽天○
景暑大暑也○天表影長二尺五寸九分出辰卯入
申酉○太陽在申○日在參夏至日在井○表景長

一尺六寸○太陽過酉○三禮義宗云夏至有三義
一以明陽氣之至極二以明陰氣之始至三以明日
行之北至○陰至土重史記先至三日垂土炭于衡
兩端輕重適均至日陰氣至則土重○丹水魚光水
經丹水中先夏至前十夜伺之魚浮水則赤光上照
如火○石湖水解神異經北荒有石湖千里歲常冰
惟夏至左右五十六日解○猫鼻暖猫鼻端常冷惟
夏至一日煖西陽雜俎○浚井改水禮儀志○五月爲落梅
風風俗通記○雨爲隔轍雨○黃梅雨濯梅枝雨○黃河
五月水爲麥黃水○桐花雨○景風至○

六月令

禮記月令季夏之月日在柳昏火中旦奎中律中林
鍾温風始至蟋蟀在壁鷹乃學習腐草爲螢天子居
明堂右个命漁帥伐蛟取鼉登龜取鼈命澤人納材
葦是月也命四監大合百縣之秩芻以養犧牲令民
無不咸出其力以其皇天上帝名山大川四方之神
以祠宗廟社稷之靈以爲斯民祈福是月也命婦官
染采黼黻文章必以法故毋或差貸黑黃蒼赤莫不
質良毋敢詐僞以給郊廟祭祀之服以爲旂章以別
貴賤等給之度是月也樹木方盛命漁人入山行木

毋有斬伐不可以興土功不可以合諸侯不可以起
兵動衆毋舉大事以搖養氣毋發令而待以防神農
之事也水潦盛昌神農將持功舉大事則有天殃是
月也土潤溽暑大雨時行燒薙行水利以殺草如以
熱湯可以糞田疇可以美土疆季夏行春令則穀食
鮮落國多風欬民乃遷徙行秋令則丘隰水潦禾稼
不熟乃多女災行冬令則風寒不時鷹隼早鷺四鄙
入保○夏小正初昏斗柄正在上煮桃鷹始擊○淮
南子季夏之月招搖指未其位中央其日戊巳盛德
在土其蟲羸其音宮律中百鍾林鍾也其數五涼風至

蟋蟀居奧鷹乃學習腐華化爲蜃天子衣苑黃服八

風水爨柘燧火中宮御女黃色衣黃采其兵劍其畜

牛朝于中宮令滂人入材葦行惠令弔死問疾存視

長老行孚鬻厚席蓐以送萬物歸也六月官少內其

樹梓○陰氣藏伏六月伏日師古曰伏者謂陰氣將起迫于殘陽而未得升也○

六月其卦遯○六月爲且月爾雅○夏昏火中可以黍

稷尚書大傳○長烈六月名○未垂六月將盡之時○瓜期左傳○小

暑日在鬼○表影長二尺五寸九分○日出寅入酉

○太陽在未○大暑日在柳表影長二尺五寸八分

○太陽過午○初伏薦麥瓜于祖禰○紂獵西土○

六月黃河之水名礬山水○禘祀周公

秋

西方曰辰其時曰秋其氣曰陰陰生金與甲其德憂
哀靜正嚴順居而不敢淫佚其事號令毋使民淫暴
順旅聚收量民資以畜聚賞彼羣幹聚彼羣材百物
乃收使民毋怠所惡其察所欲必得我信則克此謂
辰德辰掌收之為陰秋行春政則榮行夏政則水行
冬政則耗是故秋三月以庚辛之日發五政一政曰
禁搏塞圍小辨鬪譁言語相忌嫉之意二政曰毋見五兵
之刃三政曰慎旅農趣聚收四政曰補缺塞圻五政

曰修墻垣周門閭五政狗時五殺皆入秋行五刑誅大
罪所以禁淫邪止盜賊管子○淮南子西方曰皓天其
星胃昴畢西南方曰朱天其星觜嶲參東井西方金
也其帝少昊其佐蓐收執矩而治秋其神為太白其
獸白虎其音商其日庚辛西方之極自崑崙絕流沙
沉羽西至三危之國石城金室飲氣不死之野少皞
蓐收之所司者萬二千里其令曰審用法誅必罪備
盜賊禁奸邪飾羣牧謹貯聚修城郭補缺竇谿徑過
溝瀆止流水雝谿谷守門閭陳兵甲選百官誅不法
秋行夏令華行春令榮冬令耗

七月令

禮月令孟秋之月日在翼昏建星中旦畢中其日庚辛其帝少皞其神蓐收其蟲毛其音商律中夷則其數九其味辛其臭腥其祀門祭先肝涼風至白露降寒蟬鳴鷹迺祭鳥用始行戮天子居總章左个乘戎路駕白駱載白旂衣白衣服白玉食麻與犬其器廉以深是月也以立秋先立秋三日太史謁之天子曰某日立秋盛德在金天子乃齋立秋之日天子親帥諸侯九卿三公大夫以迎秋于西郊還反賞軍帥武人于朝天子乃命將帥選士厲兵簡練禁後專任有

功以征不義詰誅暴慢以明好惡順彼遠方是月也命有司修法制繕囹圄具桎梏禁止奸慎罪邪務搏執命理瞻傷察創視折審斷決獄訟必端平戮有罪嚴斷刑天地始肅不可以羸是月也農乃登穀天子嘗新先薦寢廟命百官始收斂完隄防謹壅塞以備水潦修宮室坏垣墻城郭是月也毋以封諸侯立大官毋以割地行大使出大幣孟秋行冬令則陰氣大勝介蟲敗穀戎兵乃來行春令則其國乃旱陽氣復還五穀無實行夏令則國多大災寒熱不節民多瘡疾

○夏小正莠讀為秀 萑葦狸子肇肆湟潦生萃爽死萃

莠漢案戶寒蟬鳴初昏織女正東鄉時有霖雨崔茶
斗柄縣在下則旦○淮南子孟秋之月招搖指申昏
斗中且畢中天子朝于總章左个以出秋令服八風
水爨柘燧火西宮御女白色衣白采撞白鐘求不孝
不悌戮暴傲悍而罰之以助損氣是月令涼風至三
旬七月官庫其實棟棟實鳳凰所食者秋熟○尚暑獻鈿針○
七月其卦否○淮南子七月百虫蟄伏青女乃出以
降霜露○爾雅七月爲相月○龍火西頽○天子飲
酎明堂月令○辰爲申申者身也萬物身體皆成就也○
記命有司祭馬社于大澤○沈湫兮天高而氣清宋

○孟秋○首秋○上秋○蘭秋梁元纂要○大晉七月名○

爽節高風應爽節○大慶之月修行記○武德肅殺司權也○立

秋日在星○表影長四尺五寸七分○日出卯入酉

○太陽在午○禮儀志立秋日習戰陣之儀名曰驅

劉劉殺義也○漢書以立秋日爲驅膺○冀州北俗立秋

及八月朝作飲食爲膺其俗曰膺膾○處暑日在翼

表影長五尺五寸六分○梧桐金井○博物志海上

有草名飾其實食之如大麥七月稔熟名自然穀又

曰禹餘糧又曰指佞草○物產志有撫稻一歲兩收

既春種而夏獲復以七月初三插至十月熟○太子

晉七月七日緱山駕鶴飛昇○麻姑王母俱以七日
降○織女降銀州七日爲良日風士記

八月令

禮月令仲秋之月日在角昏牽牛中旦觜觴中其音
商律中南呂盲風至盲閉暗之稱鴻雁來玄鳥歸羣鳥養
羞天子居總章太廟是月也養衰老授几杖行糜粥
飲食乃命司服具飭衣裳文繡有恒制有大小度有
長短衣服有量必循其故冠帶有常乃命有司申嚴
百刑斬殺必當毋或枉撓枉撓不當反受其殃是月
也乃命宰祝循行犧牲視全具按芻豢瞻肥瘠察物

色必比類量小大視長短皆中度五者備當上帝其
饗天子乃難以達秋氣以犬嘗麻先薦寢廟是月也
可以築城郭建都邑穿竇窖修囷倉廼命有司趣民
收歛務畜菜多積聚乃勸種麥毋或失時行罪無疑
是月也日夜分雷始收聲蟄虫坏戶殺氣浸盛陽氣
日衰水始涸日夜分則同度量平權衡正鈞石角斗
甬是月也易關市來商旅納貨賄以便民事四方來
集遠鄉皆至則財不匱上無乏用百事皆遂凡舉大
事毋逆大數必順其時慎因其類仲秋行春令則秋
雨不降草木生榮國乃有恐行夏令則其國乃旱蟄

蟲不藏五穀復生行冬令則風災數起收雷先行草

木早死○夏小正剥瓜玄校玄黑也校若綠色婦人未嫁者衣之剥棗

卓零丹鳥羞白鳥丹鳥丹良也白鳥蚊蚋也辰則伏

鹿人從駕為鼠參中則旦○淮南子仲秋之月招搖

指酉涼風至候雁來羣鳥翔八月官尉其樹柘八月

失政二月雷不發○少采夕月與太史糾虔天刑○

八月其卦觀○辰為酉酉者緇也時物皆緇縮也○八月為壯月

爾爾○土鼓迎寒周禮籥章氏掌仲秋擊土鼓吹豳詩以迎寒○獻良裘司裘

氏氏仲秋獻良裘王乃行羽物○夏官仲秋獻矢○風俗通以八月

遣輶軒使採異俗方言藏之秘府○淮南子孟秋始

縮仲秋始納○周禮大司徒以荒政十有二聚萬民

八月殺哀○枹朴子馮夷以八月上庚日渡河溺死

上帝署為河伯○八月為仲商月○提要錄為桂月

○為端正月○淮南子為柘月○太初周禮註○素節

○白露日在軫表影長六尺五寸五分日出卯入酉

太陽在巳○秋分日在角表影同晝夜均○鶴警露

○白鷺飛○蝓蚌鬪虎方信鱷書蝓蚌大者八月能與虎鬪虎不能勝○桂

子落

九月令

禮月令季秋之月日在房昏虛中旦柳中律中無射

鴻雁來賓爵入水爲蛤鞠有黃華豺乃祭獸戮禽天子居總章右个是月也申嚴號令命百官貴賤無不務內以會天地之藏無有宣出乃命冢宰農事備收舉五穀之要藏帝籍之收于神倉祇敬必飭是月也霜始降則百工休乃命有司曰寒氣總至民力不堪其皆入室上丁命樂正入學習吹是月也大饗帝嘗犧牲告備于天子合諸侯制百縣爲來歲受朔日與諸侯所稅于民輕重之法貢職之數以遠近土地所宜爲度以給郊廟之事無有所私是月也天子乃教田獵以習五戎班馬政命僕及七駟咸駕載旌旄授

車以級整設于屏外司徒摺扑北面誓之天子乃厲飾執弓挾矢以獵命主祠祭禽于四方是月也草木黃落乃伐薪爲炭螿蚩咸俯在內皆墜其戶乃趣刑獄毋留罪收祿秩之不當供養之不宜者是月也天子乃以犬嘗稻先薦寢廟季秋行夏令則其國大水冬藏殃敗民多魃噎行冬令則國多盜賊邊境不寧土地分裂行春令則煖風來至民氣解惰師興不居○夏小正納火遶音地鴻雁主夫出火夫當作火陟玄鳥螿熊羆貉鼯鼯則允祭鞠樹麥王始裘雀入于海爲蛤○國語辰角見而雨畢天根見而水涸天根角亢之間

本見而草木節解本氏駟見而隕霜火見而清風戒

寒故先王之教曰雨畢而除道水涸而成梁草木節

解而備歲隕霜而冬裘具清風至而修城郭宮室○

淮南子季秋之月招搖指戌昏虛中且柳中九月官

候其樹槐九月失政三月春風不濟○宋臺杵歌○

九月其卦剝其辰戌戌者滅也○九月為玄月爾雅○

納火周禮司燿掌行火○獻裘冬官季秋○登龜禮

秋登龜○婦功嫁娶家語霜降而婦○霜降鷹擊○

禘祭○末秋○暮商○季商○天睢九月○霜月○

寒露日在亢表影長八尺五寸四分○日出卯入酉

太陽在辰○霜降日在氏表影長五尺九寸三分○

太陽過卯○山海經豐山有九鍾霜降則鳴故曰霜

鐘○蓼花風月令章句黍秋六日風○九月為鯉魚

風黃雀雨○鷓鴣隕霜禽經其羽可為○鷓鴣畏霜

飛必向日而畏霜露

冬

書大傳云北方者伏方也伏方者萬物之方伏也伏

方何以謂之冬冬者中也中也者物方藏于中也陽

盛則吁荼萬物而養之外陰盛則呼吸萬物而藏之

內故曰呼吸者陰陽之交接萬物之始終○爾雅云

言類考 卷五 三十三 三十八九
冬爲玄英注氣黑而清英○呂覽云冬之德寒寒不信其地不成剛地不成剛則凍閉不開○什名云冬終也物終成也○管子北方日月其時曰冬其氣曰寒寒生水與血其德淳越溫怒周密其事號令修禁徙民令靜止地乃不泄斷刑致罰無赦有罪以符陰氣大寒乃至甲兵乃強五穀乃熟國家乃昌四方乃備此謂月德月掌罰罰爲寒冬行春政則泄行夏政則雷行秋政則早是故冬三月以壬癸之日發五政一政曰論孤獨恤長老二政曰善順陰修神祀賦爵祿授備位三政曰效會計毋發山川之藏四政曰捕

奸遁得盜賊者有賞五政曰禁遷徙止流民圍分異五政苟時冬事不過所求必得所慮必服○淮南子北方曰玄天其星須女虛危營室西北方曰幽天其星東北奎婁北方水也其帝顓頊其佐玄冥執權而治冬其神爲辰星其獸玄武其音羽其日壬癸北方之極自九澤窮夏晦之極北至令名之谷有凍寒積冰雪雹霜霰漂潤羣水之野顓頊玄冥之所司者萬二千里其令曰申羣禁固閉藏修障塞繕關梁禁外徒斷罰刑殺當罪閉關閭大搜客止交遊禁夜樂早閉晏開以塞奸人已德執之必固天節已幾刑殺無

言紀考
救雖有盛尊之親斷以法度毋行水毋發藏毋釋罪
冬行春令泄行夏令早行秋令霧

十月令

禮月令孟冬之月日在尾昏危中旦七星中其日壬
癸其帝顓頊其神玄冥其虫介其音羽律 中應鍾
其數六其味鹹其臭朽其祀行祭先腎水始冰地始
凍雉入大水爲蜃虹藏不見天子居玄堂左个乘玄
路駕鐵驪載玄旂衣黑衣服玄玉食黍與彘其器閔
以奄是月也以立冬先冬三日太史謁之天子曰某
日立冬盛德在水天子乃齋立冬之日天子親帥三

公九卿諸侯大夫以迎冬于北郊還反賞死事恤孤
寡是月也命太史釁龜筮占兆審卦吉凶是察阿黨
則罪無有掩蔽是月也天子始裘命有司曰天氣上
騰地氣下降天地不通閉塞而成冬命百官謹蓋藏
命有司循行積聚無有不歛坏城郭戒門閭修鍵閉
慎管籥固封疆備邊境完要塞謹關梁塞徯徑飭喪
紀辨衣裳審棺槨之厚薄塋丘壟之大小高卑厚薄
之度貴賤之等級是月也命工師效功陳祭器按度
程毋或作爲活巧以蕩上心必功致爲上物勒功名
以考其成功有不當必行其罪以窮其情是月也大

言絲類者
飲烝天子乃祈來年于天宗大割祠于公社及門閭
臘先祖五祀勞農以休息之天子乃命將帥講武習
射御角力是月也乃命水虞漁師收水泉池澤之賦
毋或敢侵削衆庶兆民以爲天子取怨于下其有若
此者行罪無赦孟冬行春令則凍閉不密地烝上泄
民多流亡行夏令則國多暴風方冬不寒蟄虫復出
行秋令則霜雪不時小兵時起土地侵削○夏小正
豺祭獸初昏南門見黑鳥浴時有養夜雉入于淮爲
曆織女正北向則旦○淮南子孟冬之月招搖指亥
天子朝于玄堂左个以出冬令服八風水爨松燧火

北宮御女黑色衣黑采擊磬石其兵鍛其畜彘禁外
徙閉門閭大搜客十月官司馬其樹檀十月失政四
月草木不實○國語日月會于龍尾音龍龍尾也日月
合辰土氣含收天明昌作百嘉備舍羣神頻行國于
是乎烝嘗家于是乎嘗祀百姓夫婦其令辰奉其犧
牲敬其齋盛潔其糞除慎其采服裡其酒醴帥其子
姓從其時享虔其宗祝道其順辭以昭祀其先祖清
風至而修城郭宮室故夏令曰九月除道十月成梁
其時儆曰收而場功侍而畚揭侍具也畚土籠也揭昇土之器管室
之中土功其始火之初見期于司理○栽人告勞○

十月其卦坤月建亥亥者劾也言陰氣劾殺萬物也
 ○獻民數○良月盈數左莊公使定叔以十月○十
 月為上冬為大章為開冬為亥仲為大月為吉月為
 正陰月立冬日在房表影一丈五寸二分日出卯辰
 入申酉○太陽在卯○小雪日在心尾表影一丈一
 尺五寸一分○太陽過寅○藥雨歲時記小春月內
 三雨為液雨百蟲飲而藏蟄俗呼為藥雨○草端大
 月謂專眩二音口覽草端大月冬至後五旬七日舊
 月始生陳士元農書音什端相責也或作端始萌也
 大月高注孟冬月也秦以亥月為歲首故稱大月猶
 正月一月也又易卦陰大陽小爾雅十月為陽大月
 即陽月
 之義

十一月令

禮月令仲冬之月日在斗昏東壁中旦軫中律中黃
 鍾水益壯地始圻鶡旦不鳴虎始交鶡旦夜鳴求
 旦之鳥也天
 子居玄堂太廟飭死事命有司曰土事毋作慎毋發
 蓋毋發宮室及起大衆以固而閉地氣沮泄是謂發
 天地之房諸蟄則死民必疾疫又隨以喪命之日暢
 月是月也命闔尹申宮令審門閭謹房室必重閉省
 婦事毋得淫雖有貴戚近習毋有不禁乃命大酋酒
 官
 之長秫稻必齊麴孽必時湛熾必潔水泉必香陶器必
 良火齊必得兼用六物大酋擊監之母有差貸天子

命有司祈祀四海大川名原淵澤井泉是月也農有不收藏積聚者馬牛畜獸有故佚者取之不詰山林藪澤有能取蔬食田獵禽獸者野虞教道之其有相侵奪者罪之不赦是月也日短至陰陽爭諸生蕩君子齊戒處必掩身欲安寧去聲色禁嗜欲安形性事欲靜以待陰陽之所定芸始生荔挺出蚯蚓結麋角解水泉動日短至則伐木取竹箭是月也可以罷官之無事去器之無用者塗闕廷門閭築囹圄此以助天地之閉藏也仲冬行夏令則其國乃旱氛霧冥冥雷乃發聲行秋令則天時雨汁瓜瓠不成國有大兵

行春令則蝗蟲爲敗水泉咸竭民多疥癘○夏小正王狩陳筋革嗇人不從隕麋角○淮南子仲冬之月招搖指子十一月官都尉其樹棗十一月失政五月下電霜十一月水正而陰勝○東璧圖書府昏中壁星○十一月其卦復○月建子子者孳也○辰在星紀○十一月爲辜月爾雅○至日閉關○教大閱○殺草莊氏○斬陽木欲其濡也○剝陰木柞氏剝而水之○祭馬步○禮園丘○十一月爲三至蓋陰極之至陽氣始至日行南至周月逸周書廣寒月六帖正冬○大雪日在南箕表影一丈二尺五寸○日出辰入申○太陽在寅○冬至

言類考
日在南斗表影一丈二尺五寸○太陽過丑○先至
三日懸土炭于衡兩端輕重適均冬至日陽氣至則
炭重夏至日陰氣至則土重○淮南子曰冬至而井
水盛盆水溢羊脫毛○神農書冬至陰陽合精天地
交讓天爲不濕地爲不凍君爲不朝百官爲不親事
○呂覽冬至日行遠道周四極命之曰玄明天○易
卦通驗冬至之始人主與羣臣左右縱樂五日天下
之衆亦家家縱樂五日爲迎日至之禮○歲時記共
工氏有不才之子以冬至日死爲疫鬼畏赤小豆故
是日作赤豆粥禳之○淮南子北斗之神有雌雄十

一月始建于子月從一辰雄左行雌右行

十二月

禮月令季冬之月日在婺女昏婁中旦氏中律中太
呂雁北鄉鵲始巢雉雒雞乳征鳥厲疾天子居玄堂
右个命有司大難同難旁磔責出土牛以迎寒氣乃畢
山川之祀及帝之大神天之神祇是月也命漁師始
漁天子親往乃嘗魚先薦寢廟冰方盛水澤腹堅命
取冰冰以入令告民出五種命農計耦耕事修耒耜
具田器命樂師大合吹而罷乃命四監收秩薪柴以
供郊廟及百祀之薪燎是月也日窮于次月窮于紀

星回于天數將幾終歲且更始專而農民毋有所使
天子與公卿大夫共飭國典論時令以待來歲之宜
乃命太史次諸侯之列賦之犧牲以共皇天上帝社
稷之饗乃命同姓之邦共寢廟之芻豢命宰歷卿大
夫至于庶民土田之數而賦犧牲以共山林名川之
祀季冬行秋令則白露早降介蟲爲妖四鄙入保行
春令則胎夭多傷國多固疾命之曰逆行夏令則水
潦敗國時雪不降冰凍消釋○夏小正鳴弋當作玄
駒賁螳也納卵蒜本如卵者也虞人入梁隕麋角○淮南子
季冬之月招搖指丑十二月官獄其樹櫟十二月失

政六月五穀疾狂○周禮占夢掌其歲時季冬聘王
夢獻吉夢于王王拜而受之乃舍什萌于四方以贈
惡夢遣使去也遂命始難那歐疫歲終則令百官府各正
其治受其會聽其致事而詔王廢置膳夫掌王之食
飲膳羞王燕飲酒則爲獻主掌后及世子之膳羞歲
終則會惟王及后世子之膳不會酒正掌酒之政令
酒正之出日入其成月入其要歲終則會以酒式誅
賞凌人掌冰正歲十有二月令斬冰三其凌三倍也外
府掌邦布之入出以共百物歲終則會職幣掌式法
歲終則會其出令羣士計獄幣訟○元祀不易月○

十二月其卦臨辰為丑丑紐也終始之際相紐結也

○十二月為涂月爾雅○辰在玄枵○貞歲周禮天府掌季冬陳

玉以貞來歲之美惡貞問也○嘉平月臘也○急景日影短也○嚴月

天皓十二月名○小寒日在須牛表影一丈二寸五分○

日出卯辰入申酉○太陽在丑○大雪日在女虛表

影一丈五寸○太陽過子臘明日為小歲○初歲○

雙亦呼為野雩

詩經類考卷之六

明武塘沈萬鈞仲容采輯

地理考上

地

說文云元氣初分輕清為天重濁為地萬物所陳列

也徐曰地者地也地而高也山嶽丘陵墳衍地而卑

也臯隰污潢故曰地有二形高下平也○春秋說題

辭云地之為言媿也承天行其義也山陵之大非地

不制含功以收生也○援神契云地順受澤謙虛開

張含泉任萌滋物歸中○家語子夏云商聞山書曰

詩經類考

地理考上

地東西爲緯南北爲經山爲積德川爲積刑高者爲
生下者爲死丘陵爲牡谿谷爲牝○白虎通曰地者
元氣所生萬物之祖也地之言施也諦也應施變化
審諦不誤敬始重終故謂之地也○括地象云八極
之廣東西二億三萬三千里南北二億三萬一千五
百里夏禹所治四海內地東西二萬八千里南北二
萬六千里○爾雅云距齊州以南載日爲丹穴北載
斗極爲空同東至日所出爲太平西至日所入爲太
蒙○易曰至哉坤元萬物資生乃順承天坤厚載物
德合無疆含弘光大品物咸亨又曰在地成形○國

語云陽伏而不能出陰遁而不能蒸於是地震○
黃帝素問云積陰爲地故地者濁陰也○蔡邕月令
章句曰總丘陵原隰阪險曰地○淮南子云重濁者
淹滯而爲地○春秋元命苞曰地者易也言養物懷
仁交易變化含吐應節故其立字土力於乙者爲地○
尚書考靈曜曰地有四游常動而不止譬如人在舟
中閉牖而坐舟行不覺也冬至地上北而西三萬里
夏至地下南而東三萬里春秋二分則其中矣○春
秋元命苞曰地所以右轉者氣濁精少含陰而起遲
故轉右迎天佐其道○史書外集稱黃帝旁行天下

方制萬里得百里之國萬區令堅亥步自東極至於西極五億十九千八百步史臣按凡周天積百七萬九百一十三里徑三十五萬六千九百七十里所謂南北爲經東西爲緯也○物理論云地者底也底之言著也陰氣下著也其神曰祗祗成也育生萬物備成也形有高下氣有剛柔物有巨細味有甘苦顯之以五岳積之以丘陵播之以四瀆流之以百川蓋氣自然之體也發氣黃泉周伏回轉以生萬物也天之根本也雲雨于是乎出日月星辰于是乎陳霜雪于是乎降形西北高而東南下東西長而南北短其盡四

海者也炎氣鬱蒸景風盪色地之張也秋風蕩生涼氣蕭然地之閉也○聖證論云普天之下萃岳列居河海所流丘陵墳衍總謂之地○張衡靈憲云地深一億萬六千二百五十里故至厚莫如地王嬰古今通論云地厚三萬里○太玄經云凡九地一爲泥沙二爲澤池三爲沚厓四爲下田五爲中田六爲上田七爲下山八爲中山九爲上山○周禮大司徒辨五地之物一曰山林二曰川澤三曰丘陵四曰墳衍五曰原隰○物理論云夫土地皆有形名而人莫察焉有龜龍體有麟鳳貌有弓弩勢有并斗象有張舒形

詩經卷之六 地理卷之六
有塞閉容有隱真之安有累郊之危有高腴之利有
塔塤之害此十形者氣勢之始終陰陽之所極也○
爾雅云東至泰遠西至邠國南至濮鉉北至祝栗謂
之四極孤竹北戶西王母日下謂之四荒○又山海
經云禹使大章步自東極至于西極二億三萬三千
五百里七十五步使堅亥步自北極至于南極亦然
○事物紀原曰人皇以來土地國邑始各有名則山
川之號疑亦從此起故神農興于厲山共工之觸不
周炎帝以姜水黃帝以姬水此山川之名之始也○
呂刑曰禹平水土主名山川注云無名者始名之于

是凡山川皆名之矣山海經洎爾雅所載者是也○
項峻治書曰人皇出于提地之國則提地疑國名也
則土地國邑之名始此也

土

說文云土地之吐生萬物者也二象地之下地之中
吐物出形也○聖證論孔晁云能吐生百穀謂之土
○白虎通曰土所以王四季何木非土不生火非土
不榮金非土不成水非土不高扶微助衰歷成其道
故五行更生亦曰土○書禹貢冀州土白壤兗州土
黑墳青州土白墳徐州土赤垣墳揚州土荊州土塗泥

豫州土惟壤下土墳墟梁州土青黎雍州土黃壤○
周禮大司徒以土會之法辨五地之物生一曰山林
動物宜毛植物宜阜其民毛而方二曰川澤動物宜
鱗植物宜膏其民黑而澤三曰丘陵動物宜羽植物
宜麋其民專而長四曰墳衍動物宜介植物宜莢其
民哲而瘠五曰原隰動物宜羸植物宜叢其民豐肉
而痺載師掌任土之法土人掌土地之政草人掌土
地之法以物地○河圖括地象云天有九部八紀地
有九州八柱東南神州曰晨土正南邛州曰深土西
南戎州曰滔土正西兗州曰井土正中冀州曰白土

西南柱州曰肥土北方玄州曰成土東北咸州曰隱
土正南揚州曰信土崑崙山爲柱氣上通天崑崙者
地之中也○考經鄭注云分別五土視其高下若高
田宜黍稷下田宜稻麥丘陵阪險宜種棗栗○靈憲
云至厚莫如地至空莫如土○萬機論云土地者百
姓之所蹈也殊無兩形之致而譚者強謂之異體地
云者都大之名土者細屬之號國寧有有地無土有
土無地之處乎

山

元命苞云山者氣之苞含所以含精藏雲故觸石而

出○說文云山宣也宣氣散生萬物有名而高象形也○什名云山產也言產生萬物○易卦序論云險而止山也險而動泉也動靜皆蒙險故曰山○韓詩外傳云山者萬人之所瞻仰草木生焉萬物植焉飛鳥集焉走獸伏焉○什名云山體曰石石格也堅捍格也○物理論云土精爲石石氣之核也氣之生石猶人筋絡之生爪牙也○春秋運斗樞云山者地基也○春山淡冶而如笑夏山蒼翠而如滴秋山明淨而如粧冬山慘淡而如睡○海山微茫而隱見江山嚴厲而峭卓谿山窈窕而幽深塞山童顛而堆阜氏

耳目○桂林之山玲瓏剔透巴蜀之山巉嗟窳窳河
北之山綿衍龐魄江南之山俊峭巧麗○管子云凡
天下名山五千三百七十出銅之山四百六十有七
出鐵之山三千六百有九○爾雅云山三襲陟再成
英一成坯大而高崧小而高岑銳而高嶠卑而大扈
小而衆巋小山岌大山垣屬者嶧獨者蜀上正章宛
中隆山脊岡未及上翠微山頂冢萃者屢屨山如堂
者密如防者威巒山墮重甌隙左右有岸厓大山宮
小山霍小山别大山鮮山絕徑多小石礫多大石礪
多草木岵無草木岵山上有水埒夏有水冬無水樂

山嶺無所通溪石戴土謂之崔嵬土戴石爲礪山夾水澗陵夾水澗山有穴爲岫○上小下大曰巘山邊曰崖崖之高曰巖上秀者曰峯陬獨高者曰岳山陂曰阪山精曰夔亦曰跂亦曰雲陽祭山曰瘞○山海經禹曰天下名山經五千三百七十山六萬四千五十六里其餘小山甚衆不足紀○書大傳孔子曰山生材用無私爲焉四方皆伐無私與焉出雲雨以通乎天地之間陰陽和合雨露之澤萬物以成百姓以饗

石

什名云山體曰石石磳磳也堅捍磳也山多大石曰

礪多小石曰礪○春秋說題辭云周易艮爲山爲小石石陰中之陽陽中之陰陰精補陽故曰含石石之爲言托也托立法也○博物志云地以石爲之骨○物理論云土精爲石石氣之核也氣生石猶人脉絡之生爪牙也

泰山

地理志云泰山爲東岳兗州鎮山實萬物之始○博物志云泰山一日天孫言爲天帝孫也主召人魂魄東方萬物之始成故知人命之長短○風俗通云泰山山之尊一曰岱宗岱代也始也宗長也萬物之始

詩經頌考

地理卷上

七

陰陽交代故爲五岳長王者受命恒封禪之○福地
記云泰山多芝草玉石下有洞天周迴三千里鬼神
之府○漢書云五岳四瀆皆有常祀惟太山與河歲
五祀江水四餘皆一禱而三祀○茅君內傳云岱宗
之洞名三公空洞之天○列仙傳云岱宗石室中上
下懸絕其中金牀玉几○從征記云泰山有上中下
三廟廟前有大井水極香冷異于凡水不知何代所
掘○泰山記云盤道屈曲凡五十餘盤經小洞天大
天門仰視天門如從穴中視天窻矣自下至古封禪
處凡四十里山頂西巖爲仙人石閭東巖爲介丘東

南巖名日觀日觀者鷄一鳴時見日始欲出長三丈
所又東南名秦觀秦觀者望見長安吳觀者望見會
稽周觀者望見齊黃河去泰山二百餘里于祠所瞻
黃河如帶若在山陞山南有廟悉種松千株大者十
五六圍相傳云漢武所種小洞天有秦時五大夫松
在○公羊傳云觸石而出膚寸而合不崇朝而徧雨
天下者惟泰山乎○白虎通云王者受命必封禪封
者增高也禪者廣厚也皆刻石紀號著已之功績以
自効也天以高爲尊地以厚爲德故增泰山之高以
示報天禪梁甫之陞以報地

衡山

搜神記云衡山南岳也至軒轅乃以瀟霍之山爲副焉故爾雅云霍山爲南岳因其制也至漢武南巡又以衡山遐遠道隔江漢乃徙南岳之祭于廬江潛縣之霍山此亦從軒轅副義也○荊州記云南岳衡山朱陵之靈臺太虛之寶洞上承冥宿銓德釣物故曰衡山下踞離攝位火向赤帝館其嶺祝融托其陽故號南岳周旋數百里高四千一十丈東南臨湘川自湘川至長沙七百里九向九背然後不見○湘中記云衡山遙望如陣雲○地記云衡山一峯極高鴈不能

能過遇春北歸故名迴鴈或云峯勢如鴈之迴故名○長沙志云衡山軒翔聳拔九千餘丈尊卑差次七十二峰巖洞溪澗泉石之勝交錯其中又有數十洞十五巖三十八泉二十五溪九池九潭六源八洞九井三穿三漏此最著者七十二峰最大者五芙蓉紫蓋石廩天柱祝融而祝融最高○南岳記云衡山有三峰其一名紫蓋峰天景明徹有一雙白鶴迴翔其上其一名芙蓉峰天景明徹有一雙白鶴迴翔其上其一名石困下有石室中常聞諷誦聲一名芙蓉峰上有泉水飛流如舒一幅練○湘中記云衡山九疑皆有舜廟太守至官常遣戶曹致敬修祀則如有絃

言經考
地理考
九
三〇七上
歌之聲○吳越春秋云禹傷父功不成乃巡衡山血
馬以祭之仰天而嘯忽然而卧夢見赤繡文衣男子
自稱玄夷蒼水使者謂禹曰欲得我山神書者齋焉
禹乃退齋三日遂獲金簡之書得治水之要刻石山
之高處

嵩山

白虎通云中央之岳獨加高字者何中央居四方之
中而高故曰嵩高山○西征記云嵩山東曰大室西
曰少室相去十七里嵩其總名也謂之室者以其下
各有石室焉少室高八百六十丈方十里與太室相

埒但小耳○道書云自岳神廟東北二十里至一山
名東龍門其東有三臺山昔漢武東巡過此山見學
仙女帝觀之遂以名焉○仙經云嵩山東南大巖下
石孔方圓一丈西方北入五六里有大室高三十餘
丈周圍三百步自然明燭相見如日月無異中有十
六仙人云月光童子常在天台時亦往來此中人非
有道不得望見

華山

白虎通云西方華山少陰用事萬物生華故曰華山
○山海經云華山一名太華太華之山削成而四方

言類考 地理考
高五千仞其廣十里○張華西京賦云綴以二華註
云二華謂太華少華也少華在華山西○述征記華
山有二岑直上數千仞自下小岑疊秀迄于嶺表有
如削成○華山記云華山頂生千葉蓮花華山記云
山上有三峰直上晴霽可觀謂蓮花毛女檜也○又
云華山頂上方七里有靈泉二所一名蒲池一名太
上泉○昭文館記云上有三峰上接三光中有石池
二十八所上應二十八宿青松綠竹叢生高崗白雲
翠藹施于幽草懷蘊金玉蓄藏風雷爲大帝之別宮
乃神仙之窟宅也一稱太上山○李白登落鴈峰曰

此山最高呼吸之氣可通帝座矣○華山記云山頂
有石鼓父老傳云常有聞其鳴者○華山記云岳東
北有雲臺峯其山兩峯崢嶸四面懸絕上冠景雲下
通地脉巖然獨秀有若雲臺下有穴昔有人入此穴
出東方山行雲經黃河底上聞流水之聲○西京賦
注云華山對河東首陽山黃河流于二山之間古語
云此本一山當河河水過之而曲行河神巨靈以手
劈開其上以足蹈離其下中分爲兩以通河流今岳
上有指掌之形首陽山足跡亦存焉○華山記云山
下自華岳廟列栢南行十一里又東迴三里至中祠

又西南出五里至南祠南入谷口七里又至一祠又南一里至天井天井纔容人上可長六丈余出井如望空視明如在室窺窻矣出井東南二里至峻坂斗上又東上百丈崖皆須扳繩挽葛而後行又西南出六里又至一祠名胡越寺神又行二里便屈山頂上方七里

恒山

周禮云并州之鎮恒山也○爾雅云恒山謂之常山○風俗通云恒常也萬物伏北方有常也○白虎通云北方有常山者何陰終陽始其道常久故曰常山

○韓愈云北岳翳閭鬼神受職○程咸云奕奕恒山作鎮冀方伊肇建國在岳之陽○五岳圖云恒山高三千七百丈七尺上方三十里周迴三千里有太玄之泉神草十九種服之可度世○括地志云北岳有五別名一曰蘭臺府二曰列女宮三曰華陽臺四曰紫薇宮五曰太乙宮或云大茂山○管子云恒山北臨代南俯趙東接河海之間早生而晚殺五谷之所蕃熟四種五穫焉○前燕錄云慕容雋壽光二年恒山得璧七十圭七十三光色精奇有異玉雋以為神岳之命以大牢祀之神農本草云常山有草名神護

置之門上每夜吠人○孫子兵法曰常山之蛇名曰
率然一身而兩頭擊其一頭則一頭至擊其兩頭則
兩頭俱至○春秋元命苞曰畢散爲冀州分爲趙國
立爲常山注云常山卽恒山也乃畢昴之精

丘

爾雅云丘一成爲敦丘再成爲陶丘再成銳上爲融
丘三成爲崑崙丘如磬者磬丘如階者階丘水潦所
止泥丘方丘胡丘絕高爲之京非人爲之丘水潦所
還埒丘上正章丘澤中有丘都丘堂途梧丘途出其
右而還之畫丘途出其前戴丘途出其後曷丘水出

其前渚丘水出其後沮丘水出其左正丘水出其右
營丘如覆敦者敦丘遷迤沙丘左高咸丘右高臨丘
前高旌丘後高陵丘偏高阿丘宛中宛丘丘背有丘
爲負丘左澤定丘右陵泰丘如畝畝丘如陵陵丘丘
上有丘爲宛丘陳有宛丘晉有潛丘淮南有州黎丘
天下有名丘五三在河南二在河北○廣雅云小陵
曰丘○周禮丘陵動物宜羽植物宜覈其民專而長

水

釋水云灘反入潭沙出汧出不流漢大出尾下水醮
曰辱澤音但汧音水決之澤爲汧決復入爲汧水注

詩經類考

地理卷六上

三

三

川曰谿注谿曰谷注谷曰溝注溝曰澮注澮曰瀆○
說文云水準也北方之行象衆水並流中有微陽之
氣也徐曰衆屈爲水至柔能攻堅故一其內也○元
命包云水之爲言演也陰化淖濡流施潛行也故其
立字兩人交一以中出者爲水一者數之始兩人譬
男女言陰陽交物以一起也又云水者天地之包幕
五行之始萬物之所由生元氣之精液也○黃帝書
云天在天地外水在天外水浮天而載地者也○管子
云地者萬物之本原諸生之根苑水者地之血氣如
筋脉之通流者也故曰水具材也夫水淖弱以清而

好灑人之惡仁也視之黑而白精也量之不可使概
至滿而止正也唯無不流至平而止義也人皆赴高
已獨赴下卑也卑也者道之室王者之器也而水以
爲都居○子華子云棲三陽之正氣於水樞其專精
之名曰太乙太乙正陽也水含太乙之中精故能潤
澤萬物而行乎地中○淮南子云水上天爲雨露下
地爲潤澤無所私而無所公靡濫振蕩與天地鴻洞
無所左而無所右蟠委錯紛與萬物終始是謂至德
○玄中記云天下之多者水焉浮天載地高下無不
至萬物無不潤○淮南子云水之爲物搏之無創射

之不傷斬之不斷焚之不然利穿金石功濟天下○
穀梁傳曰水北爲陽水南爲陰○韓詩外傳曰夫水
者緣理而行不遺小間似有智者動而下似有禮者
蹈深不疑似有勇者鄣防而清似知命者歷險而遠
似有德者天地以成群物以生國家以寧萬事以平
此智者所以樂于水也○淮南子曰土地各以類生
人是故清水音小濁水音大湍水人輕遲水人重○
水神曰天吳山海經云天吳八首十八尾亦曰水伯
○大波之神曰陽侯○博物志曰昔陽伯溺水因爲
大海之神○禮記曰水之于人也親而不尊天尊而

不親○又曰小人溺于水君子溺于口夫水近于人
而易以溺人○孫卿子曰君子觀于東流之水子貢
問曰君子見大水必觀焉何也孔子曰夫水徧與諸
生而無爲也似德其流也卑下倨句必循其理似義
浩浩乎不居似有道其延萬仞之谷不懼似勇主量
必平似法盈不求概似正綽約微達似察以出以入
就潔似善發源必東似志是以君子見大水必觀焉
○續述征記曰梁鄒城西有籠水云齊孝婦誠感神
明涌泉發于室內潛以績籠覆之由是無負汲之勞
家人疑之時其出而搜其室試發此籠而泉遂潰涌

流漂居宇故曰籠水

四海

什名云海晦也主引穢濁其水黑而晦海一云朝夕
池海神曰海若○博物志云天地四方皆海水相通
地在其中蓋無幾也七戎六蠻九夷八狄形類不同
總而言之謂之四海言皆近于海也四海之外皆復
有海云○丘文莊公曰自漢南越入中國始有南海
然西海竟不知所在今祀東海于登州祀南海于廣
州皆臨海而祭西海則望祀于蒲州北海則望祀于
懷慶蓋因宋都汴而懷慶在其北是時失幽燕無因

至遼薊之間而北望祭之可也 國朝都燕而往南
以祭北海可乎古謂青州爲北海郡今京師東北乃
古碣石淪海之處于北立祠爲宜滇之極西百夷之
外聞有大海通西南島夷卽西海也宜于雲南城望
祀之按王莽立西海郡于西寧之地亦妄也今滇西
百夷之外有大海在今阿瓦地沐璘爲都督曾至其
地有詩云蛇首樓船十丈長船頭鑊鼓樂笙簧篙師
百櫓齊搖去阿瓦城邊水似湯卽西海無疑矣又按
王克論衡云漢得西王母石室因立西海郡而漢書
不載其事今其地沒于匈奴矣柳子厚鏡歌題云李

靖滅吐谷渾西海上○裨海說文裨接益也以小益
大曰裨西域傳有裨王漢書有裨將鄒衍書四海之
外有裨海環之書名有裨蒼裨雅皆以小益大之義
○文選崩雲屑雨又曰蕩雲沃日註曰大波之飛相
磨激勢相拂如雲之崩如雨之屑屑猶分散也○又
曰包軋之與括坤之區○又云惟神是宅亦祇是廬
何竒不有何怪不儲○大志經云海有三德一曰深
廣無邊二曰清淨不受雜穢三曰藏積無量珍寶○
海志云海有五德一澄淨不受屍二多出妙寶三大
龍澍雨大如車軸受而不溢四風日不能竭五淵深

不測○按東海之別有渤海故東海其稱渤海又通
謂之滄海博物志云滄海之中有蓬萊方丈瀛洲三
神山金銀爲宮闕仙人所集列子稱渤海之東有大
壑名曰歸墟其中有岱輿員嶠方壺瀛洲蓬萊五山
十洲記曰東海之別又有溟海員海山海經有岐海
幼海少海又云閩甌皆在岐海中○按南海大海之
別有漲海西海大海之東小水名海者則有蒲昌海
蒲類海青海陸渾海潭瀾海陽池海注漢書蒲昌海
一名鹽澤廣袤三百里其水澤冬夏不減皆以潛行
地下南出積石○郭義恭廣志云蒲類海在西域東

北竇固擊伊吾戰于蒲類海○十三洲記曰允吾縣
西有卑禾羗海代謂之青海○後魏書曰太祖西征
次陸渾海○郭義恭廣志云羗中之西有潭瀾海陽
池海○按北海大海之別有瀚海瀚海之南小水名
海者則有渤鞞海伊連海私渠海注竇憲伐匈奴至
渤鞞海○廣志云匈奴中北有伊連海○後漢梁諷
說北單于單于喜卽將人衆與諷俱還到私渠海○
凡四海通謂之裨海裨海外復有大瀛海○山海經
曰無臯之山南望幼海○又云朝陽之谷神曰天吳
是爲水伯其爲獸也十八尾八首人面八足也○漢

書云會稽海外有東鯤壑分爲三十餘國以歲時來
獻○山海經云聶耳國在無腸國東兩手聶其耳縣
居赤水中○幽明錄海中有金臺山高百丈結構巧
麗窮極神工橫立巖渚竦曜龍門臺內有金機雕文
備制○大志經云大意初入海中至白銀城次至黃
金城次至水晶城次至璫瓊城龍王各與明月珠○
廣輿志曰寧海縣東海中其水湍急陷爲大渦者十
餘處凡百浮物近之則溺名曰尾閭

潮汐附

抱朴子潮者朝來汐者夕至一月之中天再東再西

言經類考 地理卷之
故潮水再大再小夏時天高一萬五千里故大冬時
天卑一萬五千里故小臨海志海潮每晝夜再至郊
酉之月陰陽之交氣以交而盛故潮獨大于餘月朔
望之後爲陰陽之變氣以變而盛故潮獨大于餘日

河

春秋說題辭云河之爲言荷也荷精分布懷陰引度
也○援神契云河者水之伯上應天漢○風俗通云
江河淮濟爲四瀆瀆通也所以通中國垢濁○爾雅
云河出崑崙墟色白所渠并千七百一川色黃百里
一小曲千里一曲一直又云水自河出爲澗○學記

云三王之祭川也皆先河而後海王制云天子祭四
瀆視諸侯○京房易傳云河者經天亘地之水○山
海經云不周之山北望諸毗之山臨彼嶽崇之山東
望沕澤河水所潛也其源混混泡泡注沕澤卽蒲昌
海河之重源也○淮南子云河以逶迤故能遠○漢
書谷永云河中國之經瀆聖王興則出圖書王道廢
則竭絕潰溢橫流漂沒陵阜異之大者也○柏子新
論王平仲云周譜言定王五年河從故道今所行處
非禹所穿○元史云朶甘衛西鄙直馬湖蠻部正西
三千餘里去雲南麗江府西北一千五百里水從地

湧出百餘泓方七八十里履高瞰之燦若星列因名
星宿海東北流百餘里滙爲大澤又東流爲赤賓河
又合忽蘭等河始名黃河又東北至陝西蘭縣始入
中國又東北經沙漠地折而南流入山西境凡九千
餘里○苑洛語錄云河至河間永平二府播爲九河
古平州之南滄州之北也逆河今永平府東境大海
發一洋自東而西古逆河也轉曲之間撫寧縣有碣
石古驪城也今河徙而逆河尚存河與江淮濟爲四
瀆河曰河宗四瀆之所宗也說文云河者下也隨地
下流而通也按史記云河有兩源一出葱嶺一出于

闐于闐在南山下其河北流與葱嶺河合東注蒲昌
海伏流地中南出積石其山多玉石武帝因按古圖
書名河所出山曰崑崙班固以騫爲未嘗見崑崙唐
薛元鼎使吐蕃自隴西成紀出塞二千里得源于悶
磨黎山中高四下所謂崑崙水東北流與積石河相
連河源澄瑩冬春可涉下稍合流色赤益遠他水并
注遂濁吐蕃亦自言崑崙在其西南故蔡氏尚書禹
貢傳兼取二說而歸是于薛然皆非耳目見聞之實
論元至元十七年命都實佩金虎符往求河源自河
州四閱月始抵其處學士潘昂霄述其所見爲志謂

河源出吐蕃朶朶思西鄙有泉百餘泓沮洳渙散方可七八十里瞰之如列星群流奔轅五七里匯二巨澤自西而東經歷可半月合赤賓河其流浸大始名黃河然水猶清又一二日岐爲八九股行可二十日至朶朶思東北有大雪山卽崑崙也自是凡七八日河水北行轉西崑崙北行一東北流可二十日至禹貢積石自發源至漢地南北溪澗分流合派莫知紀極至積石始林木暢茂及考臨川朱思本得譯出梵字圖書其間分合轉折與志或異而崑崙積石地域遠近大要相同大槩謂河源東北流所歷皆西番地

至蘭州凡四千五百餘里始入中國又東北流過胡地凡二千五百餘里始考張騫使西域所至惟大月氏大宛大夏康居其餘旁國皆得之傳聞徒見鹽澤伏流至于積石再出遂謂此爲河源誠未覩河源班固非之宜矣元鼎雖亦以使事往吐蕃履歷有序其言崑崙水委曲可信故蔡傳以元鼎之言爲近然亦未究極至元有天下薄海內外皆置驛使通道絕域如行國中都實又特以河源事往所詣多鄉導指授其所紀載當有證據然後知于闐鹽澤崑崙積石譬如常山之蛇張騫見其尾元鼎見其腹而都實所至

九霄所紀庶幾見其全體矣升庵集○孔氏曰九河故

道河間成平以南平原鬲縣以北○河圖緯象曰黃

河出崑崙山東北流千里折西而行至于蒲山南流

千里至于華山之陰東流千里至于桓雍北流千里

至于下津河水九曲長九千里入于渤海○水經注

曰黃河百里一小曲千里一曲一直○崑崙山一名

崑岑○司馬相如傳竭度九江越五河注師古曰五

河五色河也仙經有紫碧絳青黃之河○蔡傳曰黃

河自積石三千里而後至龍門龍門而下記其自北

而南則南至華陰記其自南而東則至底柱又詳記

其東向所經之地則曰孟津曰洛汭曰大伾又記其

自東而北則曰北過洛水又詳記其北向所經之地

則曰大陸曰九河又詳其入海之處則曰逆河自洛

汭而上河行于山其地皆可考自大伾而下垠岸高

于平地故決齧流移水陸遷變而洛水大陸九河逆

河皆難指實然上求大伾下得碣石因其方向辨其

故迹則猶可考也○黃河十二月皆有水名正月凌

解水二三月桃花水四月麥黃水五月瓜蔓水六月

樊山水七八月荻苗水九月登高水十月覆糟水十

一二月感凌水水衡記○易乾度帝王將起河水將清

清變白白變赤赤變黑黑變黃各三日○山海經曰
陽紆之山河出其中陵門之山河出其中又曰積石
之山其下有石門河水冒以西南流冒猶處也○初學記
按水經注及山海經注河源出崑崙之墟注山海經
曰崑崙山縱橫萬里高萬一千里去嵩山五萬里有
清河白河赤河黑河環其墟其白水出其東北陬屈
向東南流爲中國河東流潛行地下至規期山北流
分兩源一出葱嶺一出于闐其河復合東注蒲昌海
復潛行地下南出積石山西南流又東廻入塞燉煌
酒泉張掖郡南與洮河合過安定北地郡北流過朔

方郡西又南流過五原郡南又東流過雲中西河郡
東又南流過上都河東郡西而出龍門至華陰潼關
與渭水合又東廻至底柱及洛陽至鞏縣與洛水合
成臯與濟水合又東北流過武德與沁水合至黎陽
信都鉅鹿之北遂分爲九河又合爲一河而入海故
尚書稱導河積石至于龍門南至于華陰北至于底
柱東至于孟津東過洛汭至于大伾北過泒水至于
大陸又北播爲九河同爲逆河至于海是也初禹自
黎陽東北界分河爲二渠以引水一南出會隰川今
河所流也今河滑州以東是舊隰水一出貝丘卽九州之上河王

莽廢塞故俗謂之王莽河貝丘塞今隋煬帝于衛縣

因淇水之入河立淇門以通河東北行得禹九河之

故道隋人謂之御河○河伯姓馮氏名夷浴于河中

而溺死是為河伯太公金匱曰河伯姓馮名修淮南

子曰馮夷服夷石而水仙後漢張衡傳注引聖賢冢

墓記曰馮夷者弘農華陰潼鄉隄首里人服八石得

水仙為河伯又龍魚河圖曰河伯姓呂名公子夫人

姓馮名夷唐碑有河侯新祠頌秦宗撰文曰河伯姓馮

名夷字公子數說不同蓋本于屈原遠遊篇所謂使

湘靈鼓瑟兮令海若舞馮夷前此未之用也按山海

經云從極之淵深三百仞維冰夷恒都焉冰夷人面

乘兩龍穆天子傳云天子西征驚行至于陽紆之山

河伯無夷之所都右二說皆出屈原前蓋冰夷無夷

即馮夷也淮南子又作馮遲出真珠船○九河在今滄瀛

景德之間或者求于此而不得則以為淪入于海不

知河昔北流故分為九河自周定王五年河道既改

則九河漸湮乃必然之理豈得經流既息而支流仍

在乎太率河底常高故自古瀕河之地每有異常之

水河必驟盈盈則決每決必瀾漫橫流深者成渠以

漸成河淺者淤澱以漸成岸數年之後下流淤塞則

言糸類之
中流河底又以漸而高而河又不容不徙矣既徙之
後則其故道風填沙塞復爲平陸無足怪者此九河
故道所不可復尋也

洲

爾雅曰水中可居曰洲李巡注四方皆有水中央獨
可居○韓詩章句曰河之洲蔽隱乎無人之處○說
文云堯遭洪水民居水中高土故曰九州詩曰在河
之州作洲非○方言洲三輔謂之淤○釋名云洲聚
也人及鳥獸所聚息之處

谷

爾雅云水注川曰谿注谿曰谷○說文云泉通川曰
谷○老子云谷得一以盈谷無以盈將恐竭

周行

詩經頌考

也里卷六上

三

三百三十七

爾雅云路旅途也路場猷行道也○周禮遂人凡治野遂上有徑溝上有畛洫上有途澮上有道川上有路註云徑容牛馬畛容大車涂容乘車一軌道容二軌路容三軌又云遺人掌道路之委積量人書天下之涂數司險掌九州之圖以周知其山林川澤之阻而達其道路設國之五溝五涂候人各掌其方之道治合方氏掌達天下之道路野廬氏掌達國之道路至于四畿比國郊及野之道路匠人云王城經涂九軌環涂七軌野涂五軌環涂以爲諸侯經涂野涂以爲都經涂○禮記曰道路男子由右婦人由左車從

中央又云季春開通道路無有鄣塞○左傳司徒以時平易道路○羅長源據遂人職自徑至路凡五涂莫枝于達莫大于路涂一曰旅亦謂之行所謂旅樹微行者

崔嵬

硯

爾雅云石戴土謂之崔嵬而傳云土山之戴石者谷風之惟山崔嵬傳又云山巔也○按傳與爾雅之說正相反下文釋硯亦若是○釋名云石戴土曰硯硯臚然也

岡

爾雅云山脊曰岡孫炎註長山之脊也○釋名云岡
亢也在上之言也

江漢

職方氏其川江漢黃氏曰江水自夷陵而下爲州界
東流會于彭蠡漢水自房陵以下爲州界東南至漢
陽入江郡縣志漢水經南鄭縣去縣一百步水經及
註大江出岷山茂州東南在蜀郡氐道縣漢水出峽歷
荆門江陵華容至江夏沙羨縣鄂州西北沔水從北來
注之沔水出武都沮縣興州今沔州東狼谷中漢水出鮒
嶠山沔水東南流注漢曰沮口所謂沔漢者也孔安

國曰漾水東流爲沔蓋與沔合也至漢中爲漢水是

互相通稱矣東經沔陽興元府南鄭西城金州錫縣襄陽

宜城縣襄陽府郟縣郟州石城竟陵復州又東南與陽口合

至江夏沙羨北南入于江庾仲雍云沔水南至關城

合西漢水漢水又東北合沮口同爲漢水之源通典

興元府金井縣有嶓冢山禹導漾水至此爲漢水亦

曰沔水顏師古云漢上曰沔李氏曰四瀆惟江最大

江發于岷逕夔荆達揚而入于海此江之源也易氏

曰考元和志岷山近在茂州而江源遠在西徼在松

州之境外自蜀而言江之外其水有七出于縣之神

言系類考
地理考
十一
泉曰縣水出于什邡之章洛山曰洛水分流于永康之湔堰曰湔水縣水自縣竹紫巖山經德陽雒水自什邡入雒湔水逕導江崇寧九隴蒙陽亦入洛三水皆合于雒自雒逕懷安簡資富順至瀘與江水會總曰內水發源于江油之青川逕縣潼遂東至于合曰涪水發源于沔之青泥嶺逕大安利閬果至合于涪水會曰嘉陵水發源于小巴嶺逕巴蓬之伏虞西南以至于渠曰巴水出萬頃池逕明通又至渠與巴水合曰渠水巴渠二水既合逕廣安新明至合于嘉陵涪水會以達于渝而江始大此七水與江別合之

大略也若分流出夷中入中國以附于江者有三曰青衣曰羊山曰馬湖青衣出來山徑巖道洪雅夾江而下羊山出鐵豹嶺徑漢源出嘉定之南與青衣合入于江馬湖自夷都流至叙亦入于江又有出于郡邑之山澤者則自岷峨而下泐流以至於夔不勝其衆其大者如盛山之萬頃池則醜流有四一入于渠三入于夔惟漢水出嶓冢與江分流由漢金趨襄至江夏大別山始與江合此蜀衆水接連荆楚源流之大略也○胡文定公曰欲保上流必保漢沔○漢發源于嶓冢合流于大別自雍及荆滙異爲同江發源

言經類考 地理考
于岷山合流于漢自蜀至楚流行最遠○大別之東
彭蠡之東乃江漢合流之處○易氏曰江自歸州秭
歸至鄂州武昌凡一千四百餘里漢自均州武當至
漢陽軍漢陽縣凡一千四百餘里皆荊州地○夾漈
鄭氏曰周爲河洛召爲岐雍河洛之南瀕江岐雍之
南瀕漢江漢之間二南之地詩之所起在于此屈宋
以來騷人辭客多生江漢故仲尼以二南之地爲作
詩之始○名物疏按江水出四川成都府茂州岷山
又謂之汶山西南流經灌縣又東北流經重慶夔州
府界入湖廣荊州府歸州出峽東流過常德府又東

至武昌府合漢水于漢陽府之大別山東北至揚州
入海武昌在江之東漢陽在江之西而漢水在漢陽
之北江漢合流蓋在武昌漢陽之間

江

什名云江公也諸水流入其中所公共也○風俗通
云江貢也所出珍物可獻貢也○江出岷山其源實
自蜀西戎萬山來至嘉州而沫水自鶴州合大渡河
穿夷界十山以會之至叙州而馬湖江會之又十五
里而南廣江會之至瀘州而內江又自資簡會之至
重慶而嘉陵江自利閬果合等州會之至涪州而黔

江合南夷諸水會之至萬縣而開江水自開達等州
會之夫然後總而入峽是江自峽而西受大水凡八
及出峽而下岳陽則會之者洞庭湖所受湖南北諸
水也又自是而下鄂渚則會之者漢口所受興元諸
水也又自是而下黃州東四十五里則會之者巴河
也又自是而下九江則會之者彭蠡今名鄱陽湖所
受江東西諸郡水也又自是而下則會之者皖水所
受淮西諸水也夫然後總而入海是以自峽而東又
受大水凡五略計天下之水會江者居天下之半其
名稱之大而可考者凡十有三故曰江源其出如甕

而能滔滔萬里達海所受者衆也嗚呼問學者可以

觀矣并庵集○禹貢曰三江既入諸註之說極多國語

子胥曰三江環之民無所移常昭註曰三江松江也

錢塘也浦陽也秦語云越王擒之于三江之浦范蠡

曰與我爭三江五湖之利者非吳與吳越春秋曰范

蠡乘舟出三江之口越絕書云出三江之口入五湖

之中唐仲初吳都賦注松江下七十里分流東北入

海爲婁江東南流者爲東江并松江爲三江張守節

史記正義曰三江者在蘇州東南三十里名三江口

一江西南上七十里至太湖名曰松江古笠澤江一



江東南上七十里白蜺湖名曰上江亦曰東江一江
東北下三百餘里入海曰下江亦曰婁江于其分處
號曰三江口顧夷吳地記云松江東北行七十里得
三江口東北入海為婁江東南入海為東江并松江
為三江是也周禮職方氏云揚州數曰具區川曰三
江按五湖三江韋昭註非也其源俱不通太湖引解
三江既入失之遠矣鄧山黃氏曰世之說三江者甚
衆率于地理不合至稅安理安理蜀人地理指掌
圖或以為東坡非也禹
貢指掌圖一出指豫章九出彭蠡者為南江以足經
文中江北江之數其論始定審如其說于震澤何關

耶其曰歷丹陽毘陵入今大江者為北江首受蕪湖
東至陽羨者為中江分于石城過宛陵入具區者為
南江三江皆震澤上下而皆入海其說似矣然丹陽
毘陵之入江者特港脉一二詎應影附大江而謂之
江而首蕪湖分石城之二水皆在震澤上流又何以
入海言耶以今所見受震澤水東入于海者惟吳松
一江不見其三也舊有安亭一江由青龍鎮入海權
利者慮其走商稅塞之又有白蜺一江以通青龍今
亦塞而耕稼之豈禹三江舊迹在是有可訪而復之
者耶按蔡沈黃震之說皆于下流求之名以地訛號

隨世改恐非禹貢三江之說也曷于上流發源求之
徐鉉注說文云江出岷山至楚都名南江至潯陽爲
九道名中江至南徐州名北江入海郭璞山海經注
岷山大江所出也岷山南江水所出也岷山北江水
所出也三江皆發源于蜀而注震澤禹貢紀其源而
及其委耳豈區區爲吳地紀其瑣瑣改易不常之名
乎并庵集○蜀山之大小者曰岷山其川曰岷川岷字說文
作暨省作岷漢人隸書作汶多與汶上之汶相混列子
貊不踰汶謂川江也非汶上也殷敬順已辨之矣史
記冉驩爲汶山郡司馬溫公類篇曰汶音岷據中記

引禹貢岷嶓旣藝及岷山之陽及岷山導江皆作汶
盖古字通用也三國志蜀後主至湔登觀坂觀汶水
之流王右軍與周益州撫書曰要欲一游目汶嶺五
代史蜀主王建貶衛尉少卿李綱爲汶川尉徐無黨
注汶讀作岷而今汶川縣誤呼作問音蜀焉得齊南
魯北之水乎叙州驛名汶川考古志作漫川并庵集○
江自嘉州至荆門名灘險地凡千百餘其灘之外有
洞有磧凡數十皆見于字書今載其略曰洞疾流也

江中有達洞構水洞水流沙土曰瀨江中有尚瀨水出尾下曰漢今地
名七回流旋轉曰漩今有南石積水淺曰磧今有上

詩經類考 地理卷上 卅二

言終類考

水疾崖傾曰礧今有關王礧灘積相湊曰林音子今有石梘子折

危水如轉轂曰漕今有野水漫不流曰沱潭下急流

日難其名尤多不盡書也升庵集○岷山地志蜀郡有

前道岷山前音在西徼外江水所出也在今汶山縣

而晁氏則謂蜀以山近江源者通謂岷山連峰疊岫

不詳遠近青城天彭諸山之所環遶皆古之岷山青

城山乃其第一峰也今按岷山蟠據華夷江出其間

誠有如晁氏之所言者○玉海地理通釋江源在松

州交川縣西北江源鎮至茂州岷山自岷山東流別

而為沱至通州海門縣入海山○山海經岷山江水

出焉東北流注于海峽山岨山江水出焉東流注于

大江○古言云江源發梁州高峻處出峽稍平禹疏

其上源為三十六江所謂東別為沱也河流注兗州

卑處入海甚湧禹疏其下流為九河所謂播為九河

也九江非禹所分原有九水注于洞庭今九江府非

禹貢九江○又云傳三江者以婁江東江當之恐非

夫謂之江源泉所注積為巨川衍為長流者今吳地

三江直畎澮之大者豈足為江三江九江九河音同

蘇說謂岷山之江為中江蟠冢之江為北江豫章之

江為南江即導水所謂東為北江東為中江者既有

詩經類考

地理卷上

十三

〇〇〇

言經類考 北江卷六 十三
中北二江則豫章之江爲南江矣蔡氏力辨其非豈
知江流變遷安得據今之江流而什古書也况江漢
合流同滙于彭蠡既滙而東合而復分至海口而復
合入海猶同爲逆河入海也若以蘇說爲非今之江
流則今之江流亦非書之北江中江矣安得據以書
之中江北江爲誤而以今之江流爲足據耶○初學
記按水經及荊州記云江出岷山其源若甕口可以
濫觴在益州建寧滿江縣潛行地底數里至楚都遂
廣十里名爲南江初在犍爲與青衣水汶水合至洛
縣與洛水合東北至巴郡與涪水漢水白水合東至

長沙與澧水沅水湘水合至江夏與沔水合至潯陽
分爲九道東會于彭澤經蕪湖名爲中江東北至南
徐州名爲北江而入海也尚書稱岷山導江東別爲
沱又東至于澧過九江至于東陵東迤北會于滙東
爲中江入于海是也○凡長江之別有郢音郢江卽大
江之支流也亦曰涪江亦曰湔水在蜀與洛水合○
凡長江有別名則有京江今潤州丹徒縣也瓜步江
今揚州六合縣也烏江今和州烏江縣也曲江今揚
州也潯陽九道一曰烏江二曰蚌江三鳥土江四嘉靡
江五畎江六浮江七稟江八提江九茵江東會于彭

澤經蕪湖名爲中江○晏子云江深五里海深十里
○廣雅云江神謂之奇相江記云帝女也卒爲江神
○岷山又謂之汶山今汶山縣朱子曰出永康軍岷
山漢志大別在廬江安豐縣界○水經云岷山在蜀
郡氏道縣大江所出注岷山卽瀆山也水曰瀆水又
謂之汶阜山在徼外江水所導也○春秋元命苞云
牛女爲江湖江湖者所以開神潤化故其氣湍急○
河圖括地象曰岷山之精上爲井絡帝以會昌神以
建福又云井絡耀纏江漢秉靈泉流深遠盛爲四瀆
之首○宋劉裕遣朱齡石伐蜀寇譙衆軍悉從外水

取成都臧僖從中水取廣漢老弱乘高艦取內水向
黃帝史炤通鑑釋文曰巴郡今之重慶正對二水口右則
涪內水左則蜀外水自渝上合州至綿州曰內水自
渝上戎瀘至蜀謂之外水外水卽岷江自重慶上叙
州嘉定是也內水卽涪江自重慶上合州遂寧潼綿
是也中水卽沱江自瀘州上富順資簡金堂漢州是
也曰四川者則取岷江沱江黑水白水四大川以爲
名耳

漢

祝穆曰天下之大川以漢名者二班固謂之東漢西

詩經類考

地理卷六上

廿五

三〇五三

漢而黎州之漢水源于飛越嶺者不與焉固之所謂
東漢則禹貢之導漾自嶓冢山逕梁洋金房均襄郢
復至漢陽入江者也西漢則蘇代所謂漢中之甲輕
舟出于巴乘夏水下漢四日而至五渚者其源出于
西和州徼外徑階沔與嘉陵水合俗謂之西漢又徑
大安利劔果合與涪水合入于江升庵集○漢水西山
有九井井中常出五色烟高數丈述異記○一統志云
漢江源出陝西鞏昌府隴西縣嶓冢山由漢中流經
湖廣襄陽府鄖縣均化光化至府城北由東南經宜
城抵安陸州至漢陽府大別山入于江沔水源出湘

水南入大江與漢水合按三國志以前書傳多言漢
不言沔三國志以後言沔不言漢先儒皆疑漢沔為
二然今二水源流不同惟書疏引應劭云沔水下尾
與漢合乃入江為得其實○常璩云漢水有二源東
源出武都氐道縣漾山為漾水禹貢導漾東流為漢
是也西源出隴西嶓冢山會泉逕葭萌入漢始源曰
沔酈道元云東西兩川俱出嶓冢而同為漢水○黃
氏曰漢水二源一源出秦州天水縣謂之西漢水至
恭州巴中縣入江一源出大安軍三泉縣謂之東漢
水至漢陽軍入江大別山在焉○水經注地理郡國

言經類考 地理卷之二 十一
志並言漢有二源東出氐道西出西縣東西兩川俱
出嶓冢而同爲漢水○通典秦州上邽縣嶓冢山西
漢水所出經嘉陵曰嘉陵江經閬中曰閬江漢水金
牛縣嶓冢山禹導漾水至此爲漢水亦曰沔水上邽
今廢入青水金牛今廢入褒城○蔡氏曰東源在今
西縣之西西源在今三泉縣之東○山海經云嶓冢
之山漢水出焉東南流注于沔○禹貢云嶓冢導漾
東流爲漢又東爲滄浪之水過三澨至于大別南入
于江東滙澤爲彭蠡東爲北江入于海○水經云漾
水出隴西氐道縣嶓冢山東至武都沮縣爲漢水至

漢州江津縣東南入于江沔水出武都沮縣東狼谷
中又東逕沮水戍而東南流注漢南至江夏沙羨縣
北南入于江○水經注云漢水東經西城縣故城南
又東爲龍泉泉上有胡鼻山石類胡人鼻故也下臨
龍井渚泉深數丈○又云漢水右對月谷山有月坂
月川于其中黃壤沃衍○又云漢水經大小黃金山
南有黃金峭北對黃金谷有黃金戍○又云漢水東
經魏興郡之錫縣故城北爲白石灘故春秋之錫穴
地也○名物疏按諸書皆以爲漢有二源今考之出
鞏昌府秦州之嶓冢至四川重慶府江津縣而入江

言經類考 地理考
者西漢水也水經所紀導漾爲漢者也出漢中府沔縣之嶓冢至漢陽府入江者東漢水也水經所紀沔與漢合也漾至沮縣卽爲漢水沔水出自沮縣蓋別爲一水也沮縣今漢中之略陽惟漾至沮爲漢而沔又出于沮縣此古之言二水者多混爲一與

沱 沱

楚辭哀郢遵江夏以流亡江大江也夏水也或以爲自江而別以通于漢還復入江冬竭夏流故云夏其入江處今名夏口卽所謂江有沱也○洪氏楚辭補註曰水經云夏水出江流于江陵縣東南註云江津

豫章口東會中夏口是夏水之首江之沱也○禹貢荆州梁州皆有沱曰沱潛旣道○孔氏曰發源梁州入荆州○水經氏道縣江水又東別爲沱註云開明之所鑿也○郭景純謂玉壘作東別之標今茂州汶山縣○通典沱水在彭州唐昌縣今崇寧縣○蔡氏曰爾雅水自江出爲沱南郡枝江縣有沱水然其流入江而非出于江也華容縣有夏水首出于江尾入于沔亦謂之沱此荆州之沱蜀郡郫縣江沱在東西入大江汶江縣江沱在西南東入江此梁州之沱○黃氏曰沱自導江縣分江東至眉州彭山縣入江○

李氏曰禹貢岷山導江東別爲沱此梁州之域也江沱之間卽梁山之界乃岐西之地居江沱者以江沱起興○金氏曰今江陵府松溪縣南枝江縣北江分三十餘下流復合曰筮籬江公安縣有沱潛港此皆沱也○凡水自大川而別出者如自河出爲灘沛出爲沮洛出爲波漢出爲潛江出爲沱一例

汝墳

李氏曰汝水東南之水也出汝州魯山東南至蔡州褒信縣入淮○朱氏曰出汝州梁縣大息山○博物志出燕泉山○水經云汝水出河南梁縣勉鄉西天

息山○水經註亦出魯陽縣大孟山○地理志出定陵縣高陵山註魯陽今汝州魯山縣定陵今潁昌府舞陵縣○杜氏曰至褒信入睢○朱氏曰自潁川入淮○說文還歸山東入淮○又言出弘農盧氏縣還歸山○博物志曰汝出燕泉山並異名也今汝水出汝陽大孟山黃柏谷西卽盧氏界也○朱傳云逕蔡潁州入海淮蔡今河南汝寧府上蔡縣潁州今鳳陽府潁州○一統志汝水源出河南府嵩縣分水嶺經河南府郟縣會扈澗長橋等水戴液團造等溪東流入于淮○汝墳城在南陽府葉縣境內○釋丘云墳

言系卷六
五卷六
三十五
大防李巡曰墳謂崖岸狀如墳墓名大防也○周禮
墳衍其動物宜介物其植物宜莢物其民哲而瘠注
云水厓曰墳下平曰衍○方言曰墳地大也青幽之
間凡土而高大者謂之墳○名物疏按釋水云汝爲
瀆郭璞註引詩遵彼汝墳大水溢出別爲小水之名
又曰汝有墳李巡曰汝旁有肥美之地毛公不同釋
水義者或以瀆墳字異然常武傳云瀆涯則毛以瀆
亦爲大防也

漕 陳 宋

漕卽漕邑括地志曰白馬故城在滑州衛南縣西南

二十四里通典滑州白馬縣衛國曹邑戴公廬漕卽
此戴延之西征記云白馬城故衛之曹邑衛南今屬
開德府本楚丘之地也○孔氏曰漕地在鄘而邶曰
土國城漕國人所築之城也思須與漕衛女所經之
邑也○陳國今陳州宛丘漢陳縣○宋國今應天府
宋城漢睢陽縣輿地廣記○鄭譜云武王克商以陶唐氏
火正闕伯之墟封微子啟爲宋公代武庚爲商後其
封域在禹貢徐州泗濱西及豫州盟豬之野○朱傳
宋都商丘

寒泉

詩經頌考

地理卷六上

四

通典在濮州濮陽縣東南浚城○水經註濮水枝津東逕浚城南而北去濮陽三十五里城側有寒泉岡○李氏曰一云浚水出浚儀東經邳地入濟○輿地廣記云開封縣有浚溝詩所謂浚郊浚都也祥符北有浚水故謂浚儀有寒泉阪○玉海云按毛詩浚衛邑干旄云在浚之都下邑曰都當以在濮陽者爲正卽今河南開封府也

涇

漢志云涇水出安定涇陽縣西峴頭山東南至馮翊扶風汧縣絃蒲藪○山海經涇西五十里曰涇谷之

山涇水出焉東南流注于渭是多白金白玉○水經注云涇水東歷峽謂之涇峽○周官雍州其浸渭洛其川涇汭○史記云涇渭非大川以近咸陽得比山川祀○涇山海經出長城北職方雍州論都賦帶以涇渭號曰陸海○鴻渭之流徑入于河大舩萬石轉漕相過○孔氏曰禹貢涇屬渭汭孔註云水北曰汭言治涇水入于渭註云涇渭發源皆幾二千里然而涇小渭大屬于渭而入于河○漢溝洫志云涇水一石其泥數斗○地理志涇水出今安定山涇陽縣西峴頭山東南至京兆陵陽行千六百里入渭○三秦

記云涇渭合流三百里清濁不雜○淮南子云涇水出薄洛山薄洛山卽岍頭山也

渭

春秋說題云渭之爲言布也渭謂流行貌○禹貢導渭自鳥鼠同穴東會于澧又東會于涇又東過漆沮入于河○山海經云鳥鼠同穴之山其上多白虎白玉渭水出焉而東流注于河註山今在隴西首陽縣西南山有鳥鼠同穴鳥名曰鷓鼠名曰鼯鼯如人家鼠而短尾鷓似燕而黃色穿地入數尺鼠在內鳥在外而共處鳥鼠山俗呼爲青雀山東北過狄道縣南

上邽縣北陳倉縣南武功縣北槐里縣南與澇澧二水合東至高陵與涇水合又與漆沮水合經秦漢之都至潼津而入河也○河圖曰鳥鼠同穴山地之幹也渭水出其中○郡縣志渭水所出凡有三源並下○名物疏按渭水源出陝西臨洮府渭源縣漢首陽縣鳥鼠山西北谷流逕鞏昌府秦川又經鳳翔府寶雞縣至岐山縣入西安府武功縣北興平縣南至咸陽縣界豐水南來注之又東過長安縣北與涇水合于高陵東流至華陵縣界入河○三輔記云秦都咸陽渭水貫都以象天河橋橫南渡以法牽牛○漢書云文

帝親拜灞渭之會以郊見渭陽五帝如淳註曰二水之合也○益部耆舊傳云漢武帝時張寬爲侍中從祀甘泉至渭橋有女子浴于渭水乳長七尺上怪其異遣問之女曰帝後第七車知我所來時張寬在第七車對曰天星主祭祀者齋戒不潔則女人星見○史記云周幽王二年西周三川皆震伯陽甫曰周將亡矣註曰三川謂涇渭洛也與灞澹澇澗澇澇爲關中八水

旄丘

爾雅云前高旄丘李巡曰謂前高後卑下○釋名云

前高曰旄丘如馬奔頭垂髦也○一統志在大名府開州城北○寰宇記在澶州臨河縣東九域志開德府有旄丘丘字二人立一上一下者地也四不高中
央下象形也

泉水

藍田呂氏曰泉水卽今衛州共城之百泉也淇水出相州林慮縣東流泉水自西北來注之故曰亦流于淇而竹竿詩泉源在左淇水在右者蓋主山而言之相衛之山東面故以北爲左南爲右○水經注泉源水有二源一水出朝歌西北又東與左水合謂之馬

詩經類考 地理卷之六
溝水又美溝水出朝歌西北大嶺下更出逕駱駝谷
於中逶迤九十曲故俗有美溝之目歷十二嶧嶧流
相承泉響不斷○寰宇記澶州頓丘縣東北三十五
里有泉源洞○一統志泉源在頓丘右城東北頓丘
城在大名府清豐縣西南○名物疏按呂云衛州共
城卽今河南衛輝府輝縣古共伯國衛都朝歌今大
名府濬縣境共城在朝歌西南相州林慮縣卽彰德
府林縣也在朝歌西北泉與淇合當在于此○一統
志謂頓丘有泉源又謂衛河源出輝縣則百泉卽衛
河之源也○水經注卽源泉之水也淇水左右蓋舉

水所入爲左右

淇

山海經云沮洳之山淇水出焉南流注於河○水經
云淇水出河內隆慮縣而大號山東過內黃縣南爲
白溝屈從縣東北與洹水合過廣宗縣東爲清河○
通典云淇水至衛州衛縣界入河謂之淇水口古朝
歌也衛居河淇之間○一統志淇水源出林縣林慮
山中綿歷太行而東至大名府濬縣枋頭東流入衛
河衛河源自輝縣經大名府濬內黃二縣下流與淇
漳滹沱等河合至直沽入海大名府濬縣卽古衛州

言類考
地理志
衛縣○竹書紀年晉定公二十八年淇絕於舊衛卽此○地理志出河內共縣北山東至黎陽入河○溝洫志遮害亭西十八里至淇水口

洧

洧灞毛氏曰地名箋云洧灞所嫁國適衛之道所經○蘇氏云書濟入於河溢爲滎春秋傳衛敗于滎澤故洧水及衛○水經濟濟水出河東垣縣東王屋山○禹貢云導洧水東流爲濟入于河溢爲滎東出于陶丘北又東至于荷又東北會于汶又東北入于海○玉海云濟水在孟州濟源縣西北三里平地而出有

二源東源周圍七百步深不可測西源周圍六百八十五步深一丈源出王屋山○風俗通云濟者齊齊其度量也○名物疏按說文洧洧也東入于海濟水出常山房子贊皇山東入泚音池二水音同經傳通誤書洧爲濟惟此經文不誤耳應劭遂以出贊皇者爲洧失之遠矣○一統志濟在河南懷慶府濟源縣西北三里源發王屋山下旣見而伏復出於此有東西二源合流至溫縣南入黃河其水性下且勁過黃河之南溢而爲滎往東若斷若續或伏或見而入于海○東郡臨邑有洧廟

禰

寰宇記云大禰溝在曹州冤句縣北七十里今興仁府冤亭縣○一統志大禰溝在山東兗州府曹州界內詩飲餞於禰卽此今淤塞

干

毛傳云干言所適國郊也○地里志東郡有發干縣曹氏云卽此所謂干○玉海云故發干縣今開德府觀城今觀城縣屬山東東昌府○路史云郡國志衛縣南有干城詩出宿于干者今開封有邗溝一云今開德府觀城言

隋志邢州內丘縣有干言山○水經注泚水又東南經干言山○一統志干言山在直隸順德府唐山縣西北四里衛詩出宿于干飲餞于言卽此○李公緒曰柏人縣有干山言山柏人邢州堯山縣

肥泉

爾雅云歸異出同肥疏小水支分歸入大海則異其泉源初出則同流者名肥○釋名云所出同所歸異曰淝泉本同出時所浸潤少所歸各枝散而多似淝者也○水經注馬溝水出朝歌城北又東流與美溝合又東南注淇水爲肥泉詩我思肥泉毛云同出異

歸爲肥泉今是水異出同歸○唐盧潘合肥辨云按肥水出鷄鳴山北流二十里所分而爲二其一東南流經合肥縣南又東南入巢湖其一西北流二百里出壽春西投于淮二水皆曰肥是山也高不過百尋所出唯一水分流而已其源實同而流實異也故皆曰肥

須

水經注濮渠東逕須城北衛詩云思須與漕也○地理志云東郡須昌縣故須句國○一統志須城廢縣在兗州府東平州○傳氏曰自須至漕由東而西也

新臺

通典魏州黃縣有新臺○水經注鄆城北岸有新臺○寰宇記在濮州鄆城縣北十七里○輿地廣記開德府觀城縣有新臺○名物疏按濮州今屬山東東昌府鄆城縣今省入州

二子乘舟處

左傳使盜待諸莘水經注京相璠曰陽平縣九十里有莘亭自衛適齊之道縣東有二子廟猶謂之孝祠今大名府莘縣本陽平屬東郡

沫

詩經頌考

也里卷六上

四七

毛氏曰沫衛邑○書明大命于妹邦孔氏注紂所都朝歌以北是也○戴氏曰沫上之沉湎惟舊雖以康叔化之未能盡變也遭宣姜之故風俗益壞○括地志朝歌故城在衛州東北七十三里衛縣西二十二里本沫邑殷之武丁始遷居之爲殷都其南有糟丘酒池土人猶依約識之○黃氏曰沫水在衛之北○上宮通典衛州衛縣有上宮臺○朱氏曰桑中上宮淇上又沫鄉中之小地名也

桑中

正義曰禹貢兗州云桑土旣蚕注云其地蚕桑因以

名之○孔氏曰譜云東及兗州桑土之野今濮水之上地有桑間濮陽在濮水之北是有桑土明矣郡國志東郡濮陽縣有顓帝冢皇覽曰冢在城門外廣陽里中博物記曰桑土在其中地里志衛地有桑間濮上之阻男女亟聚會聲色生焉故俗稱衛之音樂記桑間濮上之音亡國之音也注昔紂使師延作靡靡之樂已而自沈於濮水後師涓過焉夜聞而寫之爲晉平公鼓之桑間在濮陽南○一統志廢濮陽縣在直隸大名府開州治西南

詩經

卷六

六

一



